



東都事畧卷四十三

列傳二十六

王顯字德明開封人也少給事太宗於潛邸太宗卽位補殿直累遷東上閣門使拜宣徽南院使樞密副使太宗以其寡學問也取軍戒三篇賜之曰讀此可以免於面牆矣淳化二年罷爲崇信軍節度使知永興軍徙延州咸平初改鎮橫海知鎮州二年召拜樞密使三年授山南東道節度使同平章事將定州行營及鎮定高陽關三路之師大破契丹于威虜軍斬首二萬級徙鎮河陽三城知永興軍以疾還京師卒年七十六贈中書令諡曰忠肅

王繼英開封祥符人也少爲刀筆吏事趙普甚謹普復相以補中書直省官真宗在藩邸爲前導及卽位擢引進使未幾拜宣徽南院使知樞密院事景德中拜樞密使卒年六十一贈太尉諡曰恭



懿

周瑩瀛州景城人也父景左領軍衛上將軍少給事晉王于潛邸  
晉王卽位是謂太宗補殿直累擢客省使僉書樞密院宣徽院諸  
房公事與內臣劉承珪對掌其任咸平初拜宣徽北院使遷南院  
使知樞密院事與承珪同罷諸房是後不復置云五年除永清軍  
節度使帥天雄從車駕北巡真宗以瑩不事事徙知澶州改鎮天  
平明年知定州徙澶州以疾還京師卒年六十六贈侍中瑩在右  
府無他謀畧及蒞軍旅畏懦自全所歷藩鎮率無善狀諡曰忠穆  
議者以爲美改諡曰元惠

馬知節字子元開封祥符人也父全義江州防禦使全義從太祖  
定天下有戰功知節幼孤太宗召見授供奉官賜今名年十八監  
彭州兵以嚴見憚如老將又監潭州兵何承矩爲守頗以文雅飾

吏治知節慕之故折節讀書雍熙開護博州兵契丹入寇王師敗于君子館知節全城繕甲儲積芻粟僚吏不悅其生事也既而契丹果至以有備引去衆始歎服知定遠軍時議調河南十三州之民輸餉河北轉運使樊知古適至軍道其事知節曰此軍戍少而積粟多簸其腐當得什之六七知古從之果獲粟五十萬斛分給諸屯遂省河南之役卒有盜婦人首節者護軍止笞遣之知節曰民避外虜卒能外寇此而可恕何以肅下卽斬之知深慶二州遷西京作坊使知梓州李順之亂與王繼恩同討賊繼恩惡知節抗直不附已遣守彭州付以羸兵三百蹂賊賊十萬衆攻城知節曰死賊手非壯士也力戰適有兵至者賊遂潰太宗聞而歎曰賊盛兵少知節不易當也爲益漢九州都巡檢使兼益州鈐轄遷內苑使帳下卒劉盱胥牙兵爲亂攻破州縣知節領兵三百追至蜀州



與戰盱走邗州知節曰賊破邗州必乘勝劫掠度江薄我旣息而戰我軍雖倍未易敵也不如迎其弊急擊之破之必矣遂行次方井與賊遇殺盱等無噍類咸平初領益州刺史知秦州州嘗質羗酋支屬二十餘人逾二紀矣知節曰羗亦人耳豈不懷歸悉釋之羗懷其德訖終更不犯塞遷西上閣門使知益州兼本路轉運使自乾德後歲漕蜀物以富人爲送吏多坐漂失籍其家知節請以省校代鄉戶運舟而課其漕事自是蜀人免破產之患徙知延州戎寇至方上元遂張燈啓關宴樂累夕虜不測因引去知鎮州詔發澶魏六州糧輸定武時方內寇知節曰糧之來資寇也止令於舟車所至收之虜無所得而遁知節所至皆以威愛臨下而事無不濟徙知定州拜東上閣門使樞密都承旨擢拜僉書樞密院事當是時契丹已盟中國無爲大臣方言符瑞而知節每不然之嘗

言天下雖安不可忘戰去兵之意以爲戒進宣徽北院使樞密副使時王欽若爲樞密使知節薄其爲人遇事敢言不少自屈每廷議得其不直輒面詆之欽若寵顧方深知節愈不爲之下大中祥符七年出爲潁州防禦使知潞州天禧初移知天雄軍召拜宣徽南院使知樞密院事以疾乞罷除彰德軍留後知貝州旣而真宗閱其癯瘁止命歸鎮而上黨大名之民爭來迎之卒年六十三贈侍中諡曰正惠知節慨慷以武力智謀自喜又能好書賓友儒者所與善必一時豪傑遇事譽譽未嘗有所顧憚而天下至今稱其正直云

王嗣宗字希阮汾州人也擢進士甲科是歲初置司理參軍卽以嗣宗爲泰州司理參軍路冲知州事嘗以公事忤冲意冲怒械繫之又教郡民之無賴嘗被罪者訟嗣宗治獄枉濫朝廷遣使按劾

具得訟者之妄嗣宗乃得釋太宗時通判睦州徙汀州太宗遣武德軍卒察遠方事嗣宗執而杖之械送京師因奏曰陛下不委任天下賢俊而猥信此輩以爲耳目臣竊爲陛下不取太宗大怒以嗣宗下吏削秩會赦復官尋以祕書丞通判澶州入爲三司開訴推官以左正言充河北轉運副使改左司諫入爲度支判官出知興元府京西轉運使移河北至道初又移河東徙知耀州又知同州徙淮南轉運使江浙荆湖發運使楊楚聞有宰家神廟民有疾不服藥而祀之嗣宗撤其廟自是民風稍變咸平中以右諫議大夫充鹽鐵使出知并州州境有臥龍廟自窮冬闔境致祭風雪中老幼踣於路嗣宗亟毀之召拜御史中丞嗣宗力詆大臣常厚結王旦之弟以求知於旦旦不答故嗣宗數於上前毀旦真宗亦優容之拜耀州觀察使知永興軍時种放得告歸山嗣宗屢造放不



爲放所禮嗣宗怒語及其進取放曰不猶愈於角力而中第者乎  
嗣宗試藝講武殿嘗程力以取甲科故放及之嗣宗深憾其言及  
至京兆又閒乘醉慢罵嗣宗嗣宗因其弟姪強市田產與訟遣人  
詰責放條上其不法事詔問狀因賜放第於嵩山令避嗣宗焉改  
知邠州有靈應公廟傍有羣狐居之巫祝假之以惑民多歷年所  
民信重之前後長吏皆先謁廟乃敢視事嗣宗毀其廟熏其穴得  
數十狐盡殺之淫祀遂息徙知鎮州召拜樞密副使求罷除大同  
軍節度使知許州移河南改感德靜難二鎮再知許州平時忿朱  
白郭贄邢昺七十不請老屢以爲言及其晚年疾甚一上章求退  
而猶欲領郡寇準爲相惡之卽以爲左屯衛上將軍致仕頗悒悒  
不自釋卒年七十八贈侍中諡曰景莊

雷有終同州郃陽人德驤子也德驤太祖時爲殿中侍御史判大



理寺傾陷趙普貶靈武者德驥長子有鄰搥鼓訟堂吏過普因是  
罷相德驥遂復祕書丞判御史臺三院事以有鄰爲祕書省正字  
有鄰尋卒德驥太平興國初爲御史知雜出爲陝西河北淮南轉  
運使積遷諫議大夫入知京朝官考課遷工部侍郎趙普再入相  
方立班宣制德驥聞之手不覺墜笏上疏乞歸田里太宗慰勉之  
曰朕終保卿聽罷考課其後有鄰子坐內亂得罪德驥貶感德軍  
司馬以卒有終以父任爲萊蕪尉發知監劉琪奸賊而代其任太  
宗雅聞其名召爲大理寺丞德驥任陝西轉運使奏爲解州通判  
遂知州事徙密州爲淮南轉運副使王師北征命爲蔚州路隨軍  
轉運使入爲鹽鐵判官戶部度支副使出知昇州又知廣州以女  
弟婿衛濯訟其家法不謹坐貶衡州團練副使起爲鹽鐵度支副  
使領江南兩浙荆湖福建廣南路茶鹽制置使使還知大名府徙

江陵李順之亂爲荆湖夔峽路轉運使知兵馬事至廣安軍夜遇  
賊衆有終引奇兵從後擊之就拜右諫議大夫知益州次簡州寓  
佛舍度賊必至命左右重閉召土人嚴更備初夕閃道而去賊果  
圍寺牆壞止得擊柝者賊平移知許州改并州加工部侍郎代還  
授戶部使王均亂除廬州觀察使知益州兼川峽兩路招安捉賊  
事旣至而均遁石普襲至富順監獲之賊平以有終爲保信軍留  
後代還知永興軍徙秦州契丹入寇眞宗幸澶淵有終赴援威聲  
甚震旣而契丹修好命還屯所就判并州召拜宣徽北院使卒年  
五十九有終險側喜攻人過有吏幹善撫士卒旣卒贈侍中

簡夫字太簡有鄰孫也隱居終南山用杜衍薦爲校書郎秦州觀  
察推官通判儀州夙知坊閭雅三州秩滿會五谿蠻彭仕義擾邊  
詔遣簡夫乘驛以往簡夫進築城堡以據其險閒出兵擾之仕義

恐遂降入為鹽鐵判官出知虢州改同州累遷職方員外郎卒年  
 六十四簡夫在雅州眉山蘇洵往見之簡夫謂曰子王佐才也薦  
 之于張方平韓琦歐陽修三人者延譽如不及洵名振京師蓋自  
 簡夫始云

國寶初而與此命遂更視其井因以我官帶北與動平  
 對升徽朕未與軍封泰融其以入家真宗幸南園百餘其  
 事適至而以取口普與在官風盤盤之翅平以自發為  
 對兵精對王以輪利風風變其更取益融兼用勉而謂  
 國古識樂土於謂將高其平其取信限則其限則其  
 冊合其知改至命公曰重其士人謂其謂其以四萬  
 想果其然信其其公必其之其其其其其其其其其其

終



東都事畧卷第四十四

列傳二十七

陳堯叟字唐夫閬州閬中人也父省華終左諫議大夫堯叟舉進士第一爲光祿寺丞直史館遷祕書丞久之爲工部員外郎廣南西路轉運使其俗有疾不服藥唯禱神堯叟以集驗方刻石桂州驛舍自後始有服藥者嶺外少林木井泉堯叟爲植木道傍鑿井置亭舍至今爲利代還爲度支判官遷樞密直學士咸平四年拜右諫議大夫同知樞密院事王繼英爲樞密使以堯叟僉書之署院事遷工部侍郎真宗幸澶淵命乘傳先赴北砦按視戎事許以便宜景德中與王欽若並知樞密院事兼羣牧使堯叟究心羣牧馬政多立條約公私便之從祀東封加尚書左丞祀汾陰加戶部尚書與欽若並同平章事爲樞密使與欽若同罷明年復與欽若



爲樞密使以疾出爲右僕射知河陽疾甚求還京師卒年五十七  
贈侍中諡曰文忠堯叟有材用多智術久典機密軍馬之籍皆記  
之母馮氏性嚴毅堯叟事親孝謹未嘗忤其意焉弟堯佐堯咨  
堯佐字希元舉進士累遷太常丞知開封府錄事參軍用理獄有  
能績遷府推官以言事切直貶通判潮州潮之惡谿鱷魚食人不  
可近堯佐命捕得鳴鼓于市以文告而戮之鱷魚遂息又修孔子  
廟作韓公祠潮人始知爲學於是大臣薦其文學得直史館嘗爲  
兩浙轉運使錢塘江隄以竹籠石而潮嚙之不數歲輒壞而復理  
堯佐議實薪土以易之或言其不可而丁謂執政遂徙堯佐京西  
又徙河北又徙河東其後隄久不成遂用薪土河決滑州捲掃不  
能定堯佐乃鑿木如編齒置於湍流隨水而下謂之木龍遂殺水  
勢而隄乃成又護以長隄郡人謂之陳公隄天禧三年編次御試

進士坐誤差其第貶監鄂州茶場起知涇州徙京西轉運使入爲  
三司副使拜知制誥遷龍圖閣直學士知河南府徙并州知開封  
府堯佐以謂治煩之術任威以擊強盡察以防奸譬如激水而欲  
其澄也故爲政一以誠信而京師治拜翰林學士天聖七年除樞  
密副使陳詒知祥符縣以法繩吏吏悉遁去章憲明肅皇后怒事  
下密院堯佐以爲罪詒則奸人得計而能吏沮矣詒遂獲免改參  
知政事明道三年罷知永興軍徙廬州又徙同州復知永興軍又  
徙鄭州官至戶部侍郎呂夷簡請老仁宗問之曰卿果退以何人  
代卿夷簡曰知臣莫若君惟陛下擇之仁宗再三問之夷簡曰陛  
下欲用經綸之才臣所不知必欲圖任老成鎮撫百度周知天下  
之良苦無如陳堯佐者仁宗深然之景祐四年召拜同中書門下  
平章事堯佐旣拜以唐劉蕡所對策進曰天下治亂自朝廷始朝

廷懲勸自貴近始凡蕢之所究言者皆當今之弊此臣所欲言而陛下之所宜行且臣等職也其年冬雷地震星象數變堯佐言王隨位在臣上而病不任事程琳等位皆在下乃引漢故事以災異自責明年諫官韓琦論政事錯繆以宰相非其人卒與王隨同罷拜淮康軍節度使同平章事判鄭州以太子太師致仕居于鄭四年而卒臨終自誌其墓曰有宋潁川先生堯佐字希元號知餘子年八十二不爲天官一品不爲賤卿相納祿不爲辱三者粗可歸息於父母棲神之域矣贈司空侍中諡曰文惠堯佐工爲二韻詩人多傳之又有潮陽編野廬編遣興策愚邱集性儉約不事浮侈未第時同父及伯季訪華山陳搏搏謂之曰三子皆將相中子伯季所不逮也卒如其言

堯咨字嘉謨舉進士第一爲將作監丞通判濟州代還直史館累



擢知制誥殿試進士與劉幾道於試卷中爲密號貶單州團練副使大中祥符中復知制誥出知荆南遷集賢院學士又遷龍圖閣直學士知永興軍長安地斥鹵而井泉不可食堯咨乃疏龍首渠入城而民甚利之然其性豪侈置武庫建視草堂開三門築甬道出入而又慘於用刑數以氣陵轉運使樂黃目黃目不能堪請徙它路以避之真宗以其所爲不法不欲窮治也止罷學士徙鄧州復知制誥嘗爲人所傾其兄堯叟乞示所犯使知陛下保全之意因詔切責之乃引謝久之復職擢知開封府除翰林學士龍圖閣學士換宿州觀察使知天雄軍堯咨固辭因自陳以儒臣而易武守所惜者腰無金魚耳仁宗特命佩魚以示優恩改武勝軍留後拜武信軍節度使知澶州復知天雄軍卒年六十五贈太尉諡曰康靖堯咨善射知荆南時母馮氏問曰古人居一郡一邑必有異



政汝典郡有何治效堯咨曰荆南當衝要郊勞宴餞迨無虛日然  
稍精於射衆無不服馮氏曰汝艾訓汝以忠孝俾輔國家今不務  
仁政善化而專卒伍一夫之技豈汝先人之意邪杖而擊之著治  
本十六篇渚宮上下編與兄堯叟堯佐同時貴顯本朝最爲盛云  
趙安仁字樂道河南洛陽人也生而穎悟年十三通經傳舉進士  
獻所爲文章召試翰林以爲著作佐郎直集賢院真宗卽位拜右  
正言真宗巡師于大名安仁上疏以爲當今有急務者三大要者  
五激勵武臣舉勸懲之令振救邊民行優卹之惠車駕還京重神  
武之威此三者急務也所謂大要者五則選將畧恃兵勢求軍謀  
修軍政愛民力真宗嘉之遷知制誥景德初爲翰林學士從幸澶  
淵契丹請和命學士各進報書真宗獨用安仁所撰亦以其能備  
記太祖朝書問規式因獲與聞通好之議虜使至首命安仁接伴